



UNIVERSITÄTS-  
BIBLIOTHEK  
PADERBORN

# **Academia Peccatorvm. Seu Conciones De Tota Parabola Prodigi Euangelici**

Qvae Poenitentia Peccatorvm Sev Conciones De Prodigii Evangelici Reditv  
Ad Patrem

**Bosquier, Philippe**

**Moguntiae ; Coloniae, 1615**

2. Cur potius abundare pane, quam alio cibo.

---

---

**Nutzungsbedingungen**

[urn:nbn:de:hbz:466:1-55940](https://nbn-resolving.org/urn:nbn:de:hbz:466:1-55940)

bore Heracliti Physicam peruideant. Acutiores frugogogæ Rabbini vix dimidium Mosaicæ legis intelligant: *Caci & Duces cæcorum*: Dominus noster Iesus de Apostoli eius, *cornicum oculos confixerunt*, inuoluerunt Mosaicæ legis cortices decorticarunt, denudarunt ac filum dederunt quo facile ex sinuoso exeat labyrintho. *Non veni solvere legem, sed adimplere*, dicit Dominus. Nonne optimos videris panes, etiam si non ultra loquar de pane gratiæ, de pane Eucharistico, eo enim ante satis egimus, & hi panes sunt quotidiani, quos petitis, quos quotidie vobis damus, ex cotinua dra, ex altari quando & quantum vobis placet. *Propere eius saturabo panibus.*

*Psal. 13.*

I I.

*Cur potius abundare pane, quam alio cibo.*

**P**ER fidem vestram, dilectissimi, inaniter disputatis mercenarios magis abundare panibus quam cibo alio? Neutiquam. Nam nec apex otiosus in tota scriptura. Hoc autem admodum bellam quoad historiam, quam mysterium. Propter historiam, ut intelligamus panem necessarium, non deliciis: ut pullos, ficedulas, perdices, &c. acrimul iusticia monstretur & prudentia patris, qui seruum abunde aluit. Sed hoc æquum & iustum, bene occupare, bene nutrire, bene soluere, (auditis hoc Domini Capitanei) bene nutrire, sed solo pane: id est, cibus necessariis, & crassis, ne serui nimium delicate habiti insolescant. Antea ea de re egimus, reuocate in memoriam propter mysterium. Quis enim dubitat hoc factum primo, ut melius intelligamus soliditatem doctrinæ Evangelicæ: ut enim pane nullus cibus solidior est (*robur panis, firmamentum panis*, dicunt sæpe Prophetæ: & *panis cor hominis confirmet.*) Sic etiam Christi Evangelio nulla solidior, nulla neruosior doctrina.



Non dicit lacte : lac enim rudimenta significat doctrinæ infimæ catechumenorum , sicut lac in-  
 arum proprie cibus est , ac animalium recens na-  
 rorum.

Secundo. Nonne etiam vt intelligamus conue-  
 nientiam Euangelij , ad naturam , & capaciam hu-  
 manam ? Sicut enim homines inveniuntur qui  
 lac , caseum , &c. horrent ; qui carne ob morbos  
 allinent aut phantasias Pythagoricas ; quibus nec  
 mundus in infantia vsque ad diluuium utebatur,  
 contentus herbis quasi lacte telluris : nullus tamen  
 inuenitur qui abhorreat panem. Sic & homines  
 inveniuntur qui quorundam Philosophorum auer-  
 sentur doctrinas , pauci tamen & paucissimi qui  
 euangelium bene propositum & examinatum , ab-  
 horreant , nisi forte per phantasiam ; quia nimium  
 cum natura , vt primitus creata est , conuenit. Ni-  
 hil enim dicit Christianus aliud , quam homo refor-  
 matus & restitutus in pristinum. *Homo qui secundum  
 Deum creatus est.*

Tertio. Forte ad monstrandam Euangelij utilita-  
 tem : si enim panis adeo , vt heri diximus , utilis est,  
 & iuxta Plinium innumeras pene continet medi-  
 cinas : quid boni non confert , quid mali non aufert  
 doctrina Euangelica?

Quarto. Neutrquam dubito quin etiam ad eius  
 indicandam necessitatem. *Panis prior prora* habet  
 proverbum , id est , panis omnia antecedit , ac  
 eius prima debet esse cura : facilius Rege quam pa-  
 ne caremus. Sine lacte , sine carne uiuitur , non  
 commode nec salubriter sine pane. Proinde & ca-  
 seus , & lac , & lacticia nonnunquam prohibentur ;  
 panis nunquam. Ciuitates quæ pane carent , fame  
 affligi dicuntur , non quæ carne : sed tantum dicun-  
 tur non habere ad votum omnia. Sic sine reliquis sci-  
 entis ac disciplinis , anima salutariter Deo viuere po-  
 test , non autem sine explicita aut implicita Euan-  
 gelij scientia. *Domine verba vita aeterna habes.* dicebat  
 S. Petrus. Nec ipse Christus necessitatem suæ doctri-  
 nae dif-

Plin. li. 22.  
 cap. 25.

Ioan. 26.



na diffimulat. *Verba quae ego loquor vobis spiritus & vita sunt.*

Doctrina Evangelica, sicut panis, dura est masticationis, nutrit tamen sicut panis: non dulcis est turbulentia, sicut doctrinarum secularium lac, ac philosophorum. *Si te lactauerint peccatores ne acquiras. Fount enim isti & sustentant antiqua peccata, Lactantia lactauerunt catulos suos.*

*Prover. 1.*

*Thren. 4.*

Lac etiam & caro in Scripturis sacris non nunquam male audiunt, ut mali nominis: panis ob singulorum bonitatem suam, aut raro, aut nunquam.

*Caro non prodest quicquam.*

*Carnium adpetitores in deserto, à serpentibus commisis diuinitus impetiti.*

*Caro & carnalis, saepe pro peccatoribus, in se positi, quod carne vel instigante, vel meditante peccatorum pars fiat.*

In summa illud *abundans panibus*, significat, illi omnibus perfruuntur commoditatibus, maxime rebus, ego nullis. Prodigus dicere vult, mercenarios bonis patris sui repleri, si autem ita egenum, ita prope rem esse, ut illi elemosinam praestare possent ipsaeque non inuitus ab eorum manu sit recepturus, *Sed dominati sunt nostri.* Non errans communi aliquo inuidia morbo, qui semper aliena praefert, & canat.

*Thren. 5.*

*Fertilior seges est alieno semper in agro,*

*Viciniumque pecus grandius vber habet.*

Neuquam: sed reuera, simpliciter, quantum ad historiam. Nam quantum ad moralem sensum, scribunt nonnulli mercenarios non adeo fuisse felices, quam hic proclamatur: etiamsi ipso essent feliciores. Sed quod vix sint ipsi solum agere feliciter supra modum.

*Et hoc quidem*, inquit S. Bernardus, *non quod ita sit, sed quod ita sentiat miser: humiliatus sub peccato. Neque enim gloriantur testimonio conscientiae, quorum mercenaria intentio est. Sed peccator sanctissimum reputat quicumque de causa alterum videat innocentem.*

D. Guericus Abb. editus à Gayneo in expositio. moral.



[*Et de Prodigo.*] *Et hac dixeram, non quod sit, sed quod sentiat miser humiliatus sub peccato. Non enim gloriatur conscientia testimonio, quo um secularis & mercenaria in:entio est, si peccatorum compunctus sanctissimum reputat quacunq; ex causa alterum videat innocentem: lectio prior forte melior & facilior.*

III.

*Verbulum unum de quibusdam mercenariis.*

Diximus supra quomodo omnia ista applicentur publicanis, quorum causam in hac parabola Christus agit, ipsorum Aduocatus, peccata in genere iam tetigimus: ac ideo iam de publicanis superfedimus. De peccatoribus autem in genere, vnum adiciemus verbulum. In presentia autem de nouo explicabimus qui homines se aliis comparent, & sibi quam aliis minus bene esse plangant.

Magni itaque peccatores seruis Dei se comparant: sed tepidissimis, quos iuaginari possis, qui scilicet Deo non seruiunt, nisi propter paradysum, propter temporalia, non amantes ipsum. Qui peregrinationes suscipiunt, Sanctos honorant, sed propter miracula; qui studiose cauent offensam, sed solum timore inferni, formidine fustium, & plagarum in hoc mundo: quos tamen magni peccatores rident, & credunt tranquillitatem habere conscientiae, optimeque, vt apparet, esse contentos, cum ipsi semper varie vexentur, nusquam quietem inueniant, in iis quae perdere amant.

D. Ant. Paduanus hic.] *Comparat humanam esuriem, & iuuinam refectionem.*

D. Guericus Abbas Igniacensis serm. morali de Prodigo.] *Abundant panibus, i consolantur innocentia sua, & fruuntur proprie conscientia bono.*

Idem.] *Fame pereo, i insatiabiliter crucior peccatorum desiderii, & affectibus vitiorum.*

Quasi dicerent, Ah quod non saltem tam perfectus sum, quam imperfectissimus seruorum Dei. O quam essem foelix! non quod reuera imperfectus, beatus ac